

کلمہ طیبہ

اون بش کونده بر نشر اولنور دینی ، علمی مجموعه اسلامیه در

صاحب و مدیر مشرتابی

ابو العلا زین العابدین

تاریخ تأسیسی

۱۳۳۰

عدد : ۷ ۲۵ شعبان سنه ۱۳۳۰ پنجشنبه ۲۶ تموز ۱۳۲۸ برنجی جلد

نفخ ربیع ایله جا بجا آچلمش دیگر شکوفه لرك نشر ایتدک لری روائح طیبه تعطیر جسم
وجان ایدینور وکویا روح ندیم بو نزهت آبادده شویله نغمه طراز اولیور ایدی :

بهار اولیله ایتمش فضا سنده جوش

صانورسک که کردونه ایرمش خروش

دیزلمش نهالان کل سوبسو

قطار یله گلش مکر رنگ و بو

لب حوض ماه نوک پاره سی

تربیا فشان آب فواره سی

رخامنده وار اول قدر فر وتاب

که یاننده چون شمع روز آفتاب

از میرده بر جوق اما کن خیره نك احیاسنه بادی اولان اصحاب حمیتک پیشوایانندن
منکشیلی زاده امین افندی نك کیجه خانه سنه مدعو بولندیغمز جهته ایشام اوستی قالقدق
اورایه کتدک . او کیجه خوانندکان و سازندکانک آهنگ و طربلری وکن کیدنلرک کثرت
وازدحامیله خانه کیجه یاریلرینه قدر بر دوکون اوینه دونمشدی . نوری بکله محرر فقیر
او کون پک یورغون دوشدیکمزدن بر ارهلق اورادن صاویشسوب مأموریندن بر ذاتک
خانه سنده تابسحر خواب نوشین راحت طالدق .

برکت زاده اسماعیل حق

ترجمه امیرال :

شیخ عبدالکریم جلوتی

شیخ عبدالکریم جلوتی :

طریقت جلوتیه مشایخندن فضل و عرفان صاحبی بذاتعالی اولوب مولدا استانبولی در.
والد اکر ماری استانبولده اکل تحصیلتی متعاقب پیر افخم عزیز محمود هدائی حضرتلرینه

انتساب ایلہ نائل فیوض الہی اولان وشہزادہ جامع شریفی کرسی شیخ لکنہ تعیین اولنوب (وصل رحانہ سفر قیلدی ولی کامل) مصراعنک دلالت ابتدکی (۱۰۶۱) تاریخندہ ارتحال ایلہ (قرمجه احمد) تربہ سی قربنہ دفن ایدیلان (قرمحصار شرقی) لی (شیخ ولی الدین) افندیدر . صاحب ترجمہ (عبدالکریم) افندی علوم رسمیه پی پدیلہ زمانی فضلاسندن وعلم تصوفی منحصر آ پدردن اخذ ایلہ دکن صوکرہ (لالہ لی) قربندہ (احمد انا) جامع شریفی واعظلغندہ بولونہرق ارشاد عباد وتالیف آثار ایلہ اوقانکذار اولدی . و (۱۸۰۰) تاریخندہ وفات ایدہرک پدیری یانندہ ودیمہ خاک فنا قیلندی . خط دستیلہ محرر اولان آثار فضلانہ و عارفانہ سنک قسم اعظمی کتبخانہ عمومیدہ موجوددرکہ فضل وعرفانک برہان جلی سیدر . کوچوک برادری (عبدالوہاب) افندی دہ فضلاذن برذات اولوب آثارندن (ابی الفرج ابن جوزی) نک (ذم الہوی) اسمندہ کی اثر پی اختصار صورتیلہ میدانہ کتیردیکی اثری کتبخانہ عمومیدہ واردر .

عبدالکریم افندینک آثاری :

(۱) تفسیر سورہ یوسف

(۲) زبدۃ الاخبار والاثار

(۳) مزیل الاشقباء عن اسماء الصحابة والتابعین والرواة

(۴) تبیین الکلام فی القیام والصیام

(۵) جامع الاحادیث الانواریه فی الاخبار المصطفویہ

(۶) حدیث اربعین فی فضائل ذکر اللہ

(۷) المعارج الوصولیہ الی آلائی القرانیہ

(۸) حدیث اربعین فی فضائل الصلوۃ علی النبی

(۹) رسالہ فی حق دوران صوفیہ

(۱۰) مجمع الفوائد ومعدن الفرائد فی حق صلوۃ شریفہ

(۱۱) تنویر السالکین و ترغیب الطالبین

(۱۲) مجالس وعظیہ

بو آثارندن باشقہ مطالعہ ایتدیکی کتب متنوعہ کنارلرندہ محققانہ تعلیقاتی دہ کورلمکدہدر .

بروسہ لی

محمد طاهر بہ رفعت